

# PROGRAM RAMAH MESRA MENTERI PERTAHANAN BERSAMA WARGA KOLEJ TENTERA UDARA

[airforce.mil.my/berita/acara-rasmi/2913-program-ramah-mesra-menteri-pertahanan-bersama-warga-kolej-tentera-udara](http://airforce.mil.my/berita/acara-rasmi/2913-program-ramah-mesra-menteri-pertahanan-bersama-warga-kolej-tentera-udara)

ALOR SETAR, 19 Jan 18 - Menteri Pertahanan, YB Dato' Seri Hishamuddin Hussein telah membuat lawatan ke Kolej Tentera Udara (KTU) untuk beramah mesra bersama seluruh peringkat warga KTU hari ini.

Ketibaan beliau di Markas Pangkalan telah disambut oleh Panglima Tentera Udara, YBhg Jen Tan Sri Dato' Sri Hj Affendi bin Buang TUDM diiringi oleh Panglima Pendidikan & Latihan Udara, YBhg Mej Jen Datuk Hj Romlee bin Yahaya TUDM, Komandan KTU, YBhg Brig Jen Dato' Johnny Loh Kok Kong TUDM serta pegawai-pegawai Kanan TUDM, para pegawai dan anggota dari KTU.

Kunjungan Menteri Pertahanan di KTU telah dimulakan dengan sesi penyampaian taklimat oleh Komandan KTU mengenai organisasi, tanggungjawab dan peranan yang dilaksanakan di Kolej Tentera Udara secara menyeluruh.

Seterusnya, Menteri Pertahanan telah dibawa ke Mes Ahli Udara bagi sesi ramah mesra bersama warga KTU yang terdiri dari pelbagai lapisan peringkat anggota termasuk staf dan para pelatih yang menjalani latihan di kolej ini.

Turut serta dalam lawatan ini adalah Timbalan Menteri Pertahanan, YB Dato' Seri Mohd Johari Baharum, Menteri Besar Kedah, YAB Dato' Seri Ahmad Bashah Md Hanipah serta Exco Kerajaan Negeri Kedah.





